


漢官典職儀式選用
官儀





漢官典職儀式選用

蔡質撰

中華書局

叢書集成初編

漢官儀（及其他二種）

中華書局出版發行

（北京王府井大街三十六號）

秦皇島市資料印刷廠印刷
一九八五年北京新一版
開本：七八七乘一〇九二毫米三十二分之一
統一書號：一七〇一八·一五一

漢官典職儀式選用

此據平津館叢書
本排印初編各叢
書僅有此本

隋志、漢官典職儀式選用二卷、漢衛尉蔡質撰、唐志、蔡質漢官典儀一卷、諸書所引、又有作蔡質漢官典職、漢官典職儀者、皆後人省文也、陳氏書錄解題、漢官典儀一卷、漢衛尉蔡質撰、雜記官制及上書謁見禮式、李埴續補一卷、俱不傳、今錄成一卷、名從隋志、質字子文、蔡邕叔父、見後漢書、蔡邕傳、管書、蔡豹傳、

漢官典職儀式選用一卷

漢 蔡 質撰
清 孫星衍校集

太尉、孝文三年置、七年省、武帝建元二年置、五年復省、更名大司馬、建武二十七年復置太尉。太平御覽、職官部

府、開闕、王莽初起、大司馬後纂漢神器、故遂貶去其闕。續漢志補注

司徒、本丞相官、哀帝改爲大司徒、主司徒衆馴五品、府與蒼龍闕對、厭于尊者、不敢稱府也。續漢志補注、職官部

官部、案、續漢志補注、引稱字作號

漢興、置大將軍驃騎、位次丞相、車騎衛將軍、左右前後皆金紫、位次上卿、典京師兵衛屯警。續漢志補注

惠帝改太常爲奉常、景帝復爲太常、蓋周官宗伯也。藝文類聚、職官部、太平御覽、職官部

五中郎解、其府對太學。續漢志補注

左中郎解、其府府次五官。續漢志補注、案、當作次五官府、誤倒

三署郎見光祿勳、執板拜見、五官左右將、執板不拜、於三公諸卿無敬。續漢志補注

虎賁中郎將、主虎賁千五百人、無常員、多至千人。案、太平御覽、引多上有郎字戴鵩冠、次右將府、又虎賁、舊作虎奔、言

如虎之奔也、王莽以古有勇士孟賁、故名焉。續漢志補注、後漢書、孔融傳注、北堂書鈔、設官部、太平御覽、職官部

羽林郎百二十八人，無常員。府次虎賁府。續漢志補注。

謁者見尙書令，對揖無敬。謁者見執板拜之。續漢志補注。

謁者案、續漢志補注。出府丞長史、陵令。案、光武紀注、引無此七字。皆選儀容端正，任奉使者。後漢書、光武紀注、補注。

南宮至北宮，中央作大屋，複道三道行。天子從中道，從官夾左右。案、太平御覽、居處部、引作複道三十步，行。天子接行中央、臺官從左右。

一衛，兩宮相去七里。後漢書、光武紀注。案、文選、古詩十九首注、引南宮北宮、相去七里。

宮中諸有劾奏罪，左都候執戟戲車縛送付詔獄。在官大小，各付所屬，以馬被覆。見尙書令，尙書僕射，尙

書，皆執板拜。見丞郎，皆揖。續漢志補注。

正月旦，百官朝賀。光祿勳劉嘉廷尉趙世，各辭不能朝。高賜舉奏，皆以被病篤困，空文武之位，闕上卿之

贊。既無忠信斷金之用，而有敗禮傷化之尤，不謹不敬，請廷尉治嘉罪，河南尹治世罪。議以世掌廷尉，故

轉屬他官。續漢志補注。

少府符署出見都官從事，持板。都官從事入少府見符署，持板。續漢志補注。

侍中常伯，選舊儒高德，博學淵懿。案、太平御覽、引作博學淵達。仰占俯視，切問近對，喻旨公卿，上殿稱制，參乘、佩璽，乘

劍，員八人，陪見。舊在尙書令僕射下，尙書上。今官出入禁中，更在尙書下。司隸校尉見侍中，執板揖。河

南尹亦如之。又侍中舊與中官俱止禁中。案、唐六典、引下有宿直。武帝時，侍中莽何羅，案、唐六典、引作馬何羅。挾刃

謀逆。由是侍中出禁外。有事乃入。畢卽出。王莽秉政。侍中復入。與中官共止。案唐六典。引章帝元和中。

侍中郭舉。與後宮通。拔佩刀驚上。舉伏誅。自是侍中復出外。續漢志補注。唐六典六。太平御覽。職官部。

尚書令主贊奏。總典紀綱。無所不統。秩千石。案藝文類聚。設官部。引作秩二千石。銅印墨綬。北堂書鈔。設官部。藝文類聚。職官部。

故公爲之者。朝會不陞奏事。增秩二千石。故自佩銅印墨綬。續漢志補注。

尚書奏事於明光殿。省中書古烈士。重行書讀。初學記。職官部。

省中皆以胡粉塗壁。紫素界之。畫古烈士。初學記。居處部。

尚書僕射主開封。掌授廩。給錢穀也。北堂書鈔。設官部。

僕射主封門。掌授廩假錢穀。凡三公列卿將大夫五營校尉行復道中。遇尚書僕射。左右承郎御史中丞。

侍御史皆避車。豫相迴避。衛士傳不得進。臺官過後乃得去。續漢志補注。

尚書典天下歲盡集課事。三公尚書二人。典三公文書吏曹。尚書典選舉齋祀屬三公曹。靈帝末。梁鴻爲選

部尚書。續漢志補注。

曹侍主常侍黃門御史事。世祖改曰吏曹。續漢志補注。

二千掌中郎官水火盜賊辭訟罪害。續漢志補注。

民典繕治功作監池苑囿盜賊事。續漢志補注。

客天子出獵，駕御府曹郎屬之。續漢志補注。

尚書左右丞，典臺事糾繩，無所不愆。太平御覽補注。

左右丞對揖，稱左右君也。北堂書鈔設官部。

尚書左丞，總典臺中綱紀，無所不統。續漢志補注。初學記、職官部。

右丞與僕射對掌授廩假錢穀，與左丞無所不統。凡宮中漏夜盡，鼓鳴則起，鐘鳴則息。衛士甲乙微相傳。

甲夜畢，傳乙夜。相傳盡五更。衛士傳言五更未明，三刻後雞鳴，衛士踵丞郎趨殿上，臺不畜宮中雞。汝南

出雞鳴，衛士候朱雀門外，專傳雞鳴於宮中。續漢志補注。

尚書郎，初從三署詣臺試，初上臺，稱守尚書郎。中歲滿，稱尚書郎。三年，稱侍郎。案、北堂書鈔、設官部。初學

人選吏能者爲之。客曹郎，主治羌胡事，劇遷二千石，或刺史。其公遷爲縣令，秩滿，自占縣去，詔書賜錢三萬，與三臺

祖錢。餘官則否。治嚴一月，雖謁公卿陵廟，乃發御史中丞遇尚書丞郎，避車執板住揖。丞郎坐車，舉手禮

之。車過遠，乃去。尚書言左右丞，敢告知如詔書律令。郎見左右丞，對揖無敬。稱曰左右君。丞郎見尚書，執

板對揖。案、此對字。後同。稱曰明時，見令僕射執板拜朝賀，對揖。續漢志補注。

尚書郎晝夜更直于建禮門內。北堂書鈔、設官部。初學記、職官部。文選、沈休文和謝實城詩注。案、晝夜更直。北堂書鈔初學記。引作夜直五日。

省閣下六屏，稱曰丹屏。尚書郎舍雞舌香，伏其下奏事。太平御覽、居處部。

尙書郎入直臺中官供新書練白綾被或錦被晝夜更宿帷帳青通中枕臥旃褥冬夏隨時改易太官供食五日一美食

後漢書、鍾離意傳注、北堂書鈔、設官部、酒食部、初學記、職官部、藝文類聚、布帛部、太平御覽、服用部、布帛部。

尙書郎直太官供餅餌五熬

太平御覽、飲食部。

尙書郎伯使二人女侍史二人皆選端正者伯使從至止車門還女侍史絜被服

案、北堂書鈔、太平御覽、引作潔衣服。

爐燒熏從入臺中給使護衣服也

後漢書、鍾離意傳注、廣韻、十一模注、北堂書鈔、儀飾部、太平御覽、服章部。

尙書郎懷香握蘭趨走丹墀

太平御覽、香部。

以丹赤地故稱丹墀

廣韻、六脂注、文選、西京賦注、魏都賦注、廣絕交論注、太平御覽、居處部。

尙書丞郎見尙書執板對揖稱曰明公

案、公、續漢志補注、引作時、見前。

尙書郎見左右丞對揖無敬稱曰左右君

太平御覽

部、禮儀

尙書令僕射給赤管大筆兩枝

北堂書鈔、藝文部。

尙書令僕丞郎月賜臨麈大墨一枚小墨二枚

北堂書鈔、藝文部、初學記、文部、太平御覽、文部。

楊喬糾羊柔曰柔知丞郎鴈行威儀有序

文選、賁躬詩注、與陳伯之書注。

尙書皆選蘭臺符節上稱簡精練吏有能爲之

續漢志、補注。

御史中丞遇尙書郎避車執板住揖車過乃去之

北堂書鈔、設官部、白帖七十四。

中丞掌蘭臺。

北堂書鈔、設官部。

承故二千石爲之。或遷侍御史高第，執憲中司，朝會獨坐。內掌蘭臺，督諸州刺史，糾察百察，出爲二千石。

續漢志、補注。

治書侍御史二人，治廷尉奏事，罪當輕重。

北堂書鈔、設官部。

選御史高第，補之。

續漢志、補注。

侍御史，秦官。周有御史，掌郡案。當國郡邑案、當萬民之治，案、當作及萬民之治令。以贊冢宰。

北堂書鈔、設官部。

其二人者，更直執法省中者，皆糾察百官，督州郡。公法府掾屬高第，補之初稱守，滿歲拜真，出治劇爲刺

史，二千石平遷，補令見中丞，執板揖。

續漢志、補注。

將作位次河南尹。光武中元二年，省謁者領之。章帝建初二年，復置。

續漢志、補注。

門候見校尉，執板下拜。

續漢志、補注、案、下當作不。

五營司馬見校尉，執板不拜。

續漢志、補注。

越騎掌越騎。

續漢志、補注。

校尉主長水宣曲胡騎。

續漢志、補注。

射聲校尉掌待詔射聲事。

續漢志、補注。

校尉掌待詔射聲事。

續漢志、補注。

司隸校尉職在典京師外部諸郡無所不糾封侯外戚三公以下無尊卑入宮闕中道稱使者每會後到先入司隸校尉職在典京師外部諸郡無所不糾封侯外戚三公以下無尊卑入宮闕中道稱使者每會後到先入

司隸詣臺延議處九卿上朝賀處公卿下陪案當有卿上初除謁大將軍三公通謁持板揖公議朝賀無

敬臺召入宮對見尙書持板朝賀揖續漢志補注延熹中京師游俠有盜發順帝陵賣御物于市市長追捕不得周景以尺一詔召司隸校尉左雄詣臺對詰雄伏于庭答對景使虎賁左駿頓頭血出覆面與三日期賊便擒後漢書景帝注周

都官主雒陽百官朝會與三府掾同續漢志補注河南尹出考案與從事同續漢志補注

詔書舊典案續漢志補注刺史班宣周行郡國省察治狀黜陟能否斷治冤獄案後漢書光武紀注以此四句治狀作政教以六條問事非條所問卽不省一條強宗豪右田宅踰制以強陵弱以衆暴寡二條二千石不奉詔書遵承

典制倍公向私旁詔守利侵漁百姓聚斂爲姦三條二千石不恤疑獄風厲殺人怒則任刑喜則深賞續漢志擾苛暴剝戮黎元爲百姓所疾山崩石裂妖祥詛言四條二千石選署不平苟阿所愛蔽賢寵頑五條二

千石子弟恃怙榮勢請託所監六條二千石違公下比阿附豪強通行貨賂割損政令也漢書百官公卿表注續漢志

諸州刺史初除比諸案此當有脫持板揖不拜續漢志補注

諸州刺史上郡竝列卿府言敢言之後漢書朱簡傳注

立宋皇后儀 尚書令臣翼僕射臣鼎尚書臣旭臣乘臣滂臣謨臣詣稽首言伏惟陛下履乾則坤動合陰陽羣

臣大小咸以長秋宮未定遵舊依典章表仍聞歷時乃聽令月吉日以宋貴人爲皇后應期正位羣生兆庶莫不式舞易稱受茲介祉詩云千祿百福子孫千億萬方幸甚今吉日以定臣請太傅太尉司徒司空太常條列禮儀正處上羣臣妾無得上壽如故事臣翼臣鼎臣旭臣乘臣滂臣謨臣詣愚闇不達大義誠惶誠恐頓首死罪稽首再拜以聞制曰可維建寧四年七月乙未制詔皇后之尊與帝齊體供奉天地祇承宗廟母臨天下故有莘與殷姜任母周二代之隆蓋有內德長秋宮闕中宮曠位宋貴人秉淑媛之懿體山河之儀威容照耀德冠後庭羣寮所咨僉曰宜哉卜之蓍龜卦得承乾有司奏儀宜稱絳組以臨兆民今使太尉襲使持節奉璽綬宗正祖爲副立貴人爲皇后其往踐爾位敬宗禮典肅愼中饋無替朕命永終天祿皇初即位章德殿太尉使持節奉璽綬天子臨軒百官陪位皇后北面太尉住蓋下東向宗正大長秋西向宗正讀策文畢皇后拜稱臣妾畢住位太尉襲授璽綬中常侍長樂太僕高卿侯覽長跪受璽綬奏於殿前女史授婕妤婕妤長跪受以授昭儀昭儀受長跪以帶皇后皇后伏起拜稱臣妾訖黃門鼓吹三通鳴鼓畢羣臣以次出后即位大赦天下皇后秩比國王即位威儀赤紱玉璽續漢志補注

正月旦，天子幸德陽殿，臨軒，公卿將、大夫、百官各陪朝賀，蠻貊胡羌朝貢畢，見屬郡計吏，皆陛觀庭燎。宗室諸劉、雍會萬人以上，立西面，位定，公納薦，太官賜食酒，西入東出。既定，上壽，計吏中庭北面立，太官上食，賜羣臣酒食，貢事御史四人執法殿下，虎賁羽林，弧弓撮矢。案通典引陛戟左右，戎頭倡脛，啓前向後。左右中郎將住東西。案通典引羽林虎賁將住東北，五官將住中央，悉坐就賜，作九賓徹樂。案、安帝紀注、引散舍利。案安帝紀注、引從西方來，戲於庭極，乃畢入殿前，激水化為比目魚，跳躍就水作霧。案、安帝紀注、文選、西京賦注、障日畢，化成黃龍，長八丈，出水游戲於庭。案、通典引炫耀日光，以兩大絲繩繫兩柱中頭間，相引就作激。障日畢，化成黃龍，長八丈，出水游戲於庭。案、通典引炫耀日光，以兩大絲繩繫兩柱中頭間，相去數丈，兩倡女對舞，行於繩上，對面相逢，切肩不傾，又踢局出身。案、藝文類聚、太平御覽、引作風身。藏形於斗中，鍾磬並作，樂畢，作魚龍曼延，小黃門吹三通。案、太平御覽、引吹上有鼓字。謁者引公卿羣臣以次拜，微行出罷，卑官在前，尊官在後，德陽殿周旋容萬人，陛高二丈，皆文石作壇，激沼水於殿下。案、藝文類聚、畫屋朱梁、玉階金柱、刻鏤作宮掖之好，案、太平御覽、引下有竟柱據以水精六字。一柱三帶，韜以赤緹，天子正旦節會朝百官于此，自到偃師，去宮四十三里，望朱雀五闕德陽，其上鬱律與天連。後漢書、安帝紀注、續漢志、補注、水經注、穀水、通典、禮、北堂書鈔、樂部、兩引、藝文類聚、居處部、三引。陰太后崩，前有方相及鳳皇車。北堂書鈔、禮儀部、續漢志、補注。案、今當作令。十二陵今見在河南尹，無敬也。在字當衍。陵令者、太常屬官也。

漢官典職儀式選用

10

四姓侍祠。文選、議吏部封侯表注。

宮中苑、聚土爲山、十里九坂、種奇樹。案、文選、古詩十九首注、引宮中種嘉禾奇樹。育麋鹿麀麋烏獸百種、激上阿水、銅龍吐水。

銅仙人啣盃受水下注、天子乘輦、遊獵苑中。太平御覽、居處部。

宮北朱雀門、至止車門內、崇賢門內、建禮門。太平御覽、居處部。

洛陽二十四街、街一亭、十二城門、門一亭。續漢志、補注。太平御覽、居處部、兩引。